



Број:

Zlatan Begić, zastupnik
u Predstavničkom domu Parlamentarne skupštine BiH
(Klub zastupnika Demokratske fronte)

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 07-09-2020			
Organizaciona jedinica	Klasifikaciona oznaka	Redni broj	Broj priloga
01	50-1	1774	20

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM

n/r predsjedavajućeg, g-dina Nebojše Radmanovića

Na osnovu člana 8. Poslovnika Predstavničkog doma Parlamentarne skupštine BiH, podnosim sljedeću

ПОСЛАНИЧКУ ИНИЦИЈАТИВУ

Kojom Predstavnički dom Parlamentarne skupštine Bosne i Hercegovine zadužuje Ministarstvo vanjskih poslova Bosne i Hercegovine da, u skladu sa svojim nadležnostima, te u saradnji sa drugim nadležnim državnim institucijama i u saradnji sa udruženjima građana – žrtava zločina na Kapiji počinjenog 25. maja 1995. godine u Tuzli, na najvišem institucionalnom nivou uspostavi kontakt i organizuje zvanične posjete predstavnika udruženja žrtava ovog zločina i državnih institucija BiH državama koje su primile brojne ranjenike – žrtve ovog teškog zločina na liječenje i zbrinjavanje, te da u saradnji sa udruženjima žrtava organizuje zvanični prijem u Bosni i Hercegovini za predstavnike tih prijateljskih država, kako bi se na taj i druge prigodne načine izrazila zahvalnost Bosne i Hercegovine i njenih građana prema tim državama i njihovim građanima, u cilju razvijanja kulture sjećanja i unapređenja međudržavnih odnosa sa prijateljskim državama koje su pružile pomoć i pokazale susretljivost i razumijevanje za Bosnu i Hercegovinu i njene građane u najtežim momentima, te kako se sličan zločin više nikada ne bi ponovio.

Образложење

U namjeri razvijanja kulture sjećanja, te izražavanja zahvalnosti prijateljskim državama koje su na liječenje i zbrinjavanje primile brojne ranjenike – žrtve zločina na tuzlanskoj Kapiji (25. maj 1995. godine), podnosi se ova Inicijativa u saradnji sa Udruženjem "25.MAJ 95. KAPIJA" Tuzla. Na tuzlanskoj Kapiji 25. maja 1995. godine ubijeno je 71, a ranjeno i masakrirano preko 200 uglavnom mladih ljudi, sa trajnim posljedicama za dalji život – po čemu će ovaj zločin ostati posebno upamćen. Na poziv prijateljskih zemalja veliki broj teško ranjenih mladih ljudi evakuisan je izvan BiH, te su upućeni na liječenje i zbrinjavanje u više inostranih vrhunskih klinika, a zbog nemogućnosti adekvatnog liječenja u BiH. U tim zemljama srdačno su dočekani na najvišem nivou (primjera radi u Republici Irskoj dočekani su od strane Predsjednice Meri Robinson i predstavnika Vlade), pružena im je vrhunska liječnička pomoć, te mogućnost školovanja poslije oporavka. Mnogi su, nakon liječenja, ostali u tim zemljama, te su danas ugledni građani tih zemalja u kojima su zasnovali i porodice. Potpuno je neprihvatljiva činjenica da Bosna i Hercegovina i institucije Bosne i Hercegovine, uključujući druge nivoe vlasti, nikada nisu zvanično – na institucionalnom nivou prigodno odale priznanje ovim prijateljskim državama i njihovim građanima, kao ni medicinskim ustanovama i njihovom osoblju koje je nesebično prihvatilo i podržalo teško ranjene mladiće i djevojke iz BiH, među kojima su bili mladi ljudi koji pripadaju svim etničkim/nacionalnim skupinama.

Sarajevo, septembar 2020. godine

S poštovanjem,

ПОДНОСИЛАЦ

/Zlatan Begić, zastupnik/